

新建喻嘉言先生著

尚論後篇



北京中医药大学图书馆版权所有

尚論篇後四卷序

士之負奇傑之志氣而鬱鬱不

得伸於時者一折而之乎他途

其窮奇極變更愈於專家此不

惟精力過人而亦淡彼則專此

昌黎謂淡泊相遭反頽惰不可

收拾可以料庸人不可以例傑
士也嘉言喻先生自儒而之禪
自禪而之醫讀其自讚小像超
曠夷猶令人不可物方然方其
握三寸管攻舉子業廟廊經濟
銘金石而光史冊皆意計中事

僅僅以岐黃名家哉迨副車誤
中兩足遭刖撇去功名富貴入
於寂滅空虛精心銳氣久鬱而
無所逞而一逞之於醫宜其神
也夫苟可以寓其巧智自遣牢
騷而不必有濟於世者君子寓



意而不留意。惟醫則輔相天地
之道在焉。先生之專精於此。禪
寂之閒趣。仍是真儒之熱腸歟。
先生新建人。而曾寓靖邑。邑中
之紳士。有約略其生平梗概。並
稱著有寓意草。醫門法律行世。



余既列於邑之方技據以申之
上憲今邑紳之舒族長明公官
京師知其已行之書膾炙人口
因并梓其未行之書後四卷皆
曾經先生親手編次者何身後
知己之有人也此固先生半生



精力畢萃於此有用之書自是
不可磨滅然不遇舒氏長明公
焉知不湮沒而不傳嗚呼士之
著書立說卓有見地而或傳或
不傳又或好惡毀譽紛紜莫定
知已豈易言哉




省

乾隆五年履端月

穀旦

賜進士第文林郎知靖安縣事

古黎王端子莊氏謹啓



受外感則一日可取冬傷之治錯綜而用故於夏秋冬三時皆略茲書亦止詳於春溫之症獨爲一卷而夏秋冬三時之傷皆合併於各論之卷者亦如前四卷之意期人之錯綜而用也

又按傷寒論內三百九十七法已於前四卷載明三百六十七矣所存三十法查於茲刻三例內悉爲載足其一百一十三方皆於諸方卷內載全靖邑在茲園舒斯旻長明氏謹書



尚論篇各卷主義

謹按

先生以後漢張仲景著卒病傷寒論共十六卷其卒病論已於晉時失去而傷寒論計十卷亦於劫火之餘僅得之日授一切篇目先後錯亂晉王叔和不能定於前宋林億成無已不能晰之於後賴仲景當日有三百九十七法一百一十三方可爲較正

先生費九載苦心逐經細分序次先後詳加論解字意透明於是分爲八卷以太陽經上中下三百爲一卷陽明經上中下爲一卷少陽經及合病併病痰病爲一卷太陰少陰厥陰與過經勞復陰陽易爲一卷特

出手眼於傷寒中摘出春溫一症分作三例爲一卷
融會各論合冬春夏秋四時所傷併真中風寒及小
兒論治會講答問爲一卷此二卷俱續載有方以
前四卷各論雖詳未暇載明方藥方解於是以仲景
一百一十三方內太陽經方脉症治爲一卷以仲景
一百一十三方內三陽傳合三陰各經方脉症治及
各症方註解爲一卷其前四卷久刻行世今者以
先生全書未出捐刻後四卷敬爲編較付梓

又按前四卷尚論大意內有云冬春夏秋時之四序
寒溫暑熱四序中主病之大綱其冬傷於寒一門立
法獨詳於夏秋冬三時者以三時之令雖有不屬其

先生之骨何堅先生之形不憊先生以燈傳爲庸豈憊乎膝下之艱先生以雲水爲家豈計乎田廬之壞心隱江湖澤流廊廟議開未學功同履載今也更不必餐風味道而長年入定巍巍乎一榻之坐神哉始信天之所玉先生者固在骨形之外

雙溪後學舒斯景長明氏謹撰

王夫之答國武骨經之序
 和而長平人我難發乎一
 其難者蓋以學問未學也
 手執不之好夫主以雲水
 長主之骨而望夫主之近
 不難夫主以雲水而望夫主



同論篇嘉言先生自讚

景得

先生手錄傷寒論後四卷真稿其首頁則

先生自讚也今爲凜刻於前令讀

先生之書者卽見

先生之人因不揣固陋謹將

先生實行彙成小傳并效東輦用賡後讚

小像自讚原稿

爾骨何頽爾形何憊爾胤旣艱爾家復壞乃涉江湖而三
憂廊廟以未學而管窺覆載孰使爾餐風味道長年不
僮僮於生民之疾診哉用是相爾於骸駸福澤之外



南京中医药大学图书馆藏

先生諱昌字嘉言豫之西昌人也學無所不窺而性
醫著經濟之猷性命之旨往往於言醫發之其他著
隱而不傳以故海內之知先生者雖皆慶雲鳳凰罕
先覩先生則超然高舉莫之或踪也卽其僑寓姑蘇
巨公共師事之先生亦止與之談醫必欲盡先生之藏
終未有能洞之者晚乃倣赤松子辟穀又寄跡祇園酬
情貝葉至涓水之年始撒手去龕藏遺蛻歸於吾靖歷
今數千稔而蒼顏修髯猶望之凜凜有生氣其惡乎測
先生耶然則造物之於先生永其名自不必不歎其胤
優其德自不必不壞其家豐茲膏彼理數之常先生固
聖門之通儒也其寧介介於是耶爰爲之賡讚曰

尚論張仲景傷寒論重編三百九十七法後四卷一

西昌喻昌嘉言甫著

尚論春三月溫症大意

仲景書詳於治傷寒畧於治溫以法度俱錯出於治傷寒中耳後人未解義例故春溫一症漫無成法可師而况觸冒寒邪之病少感發溫氣之病多寒病多傷人什之三溫病之傷人什之七古今缺典莫此爲大昌特會內經之旨以暢發仲景不宜之奧然僭竊無似矣厥旨維何內經云冬傷於寒春必病溫此一大例也又云冬不藏精春必病溫此一大例也既冬傷於寒又冬不藏精至春月同時病發此一大例也

舉此三例以論溫症而詳其治然後與三陽三陰之
例先後同符蓋冬傷於寒邪藏肌膚卽邪中三陽之
謂也冬不藏精邪入陰臟卽邪中三陰之謂也陽分
之邪淺而易療陰分之邪深而難愈所以病溫之人
有發表三五次而外症不除者裏三五次而內症
不除者源遠流長少減復劇以爲在表也又似在裏
以爲在裏也又似在表用溫熱則陰立亡用寒涼則
陽隨絕凡傷寒之種種危候溫症皆得有之亦以正
虛邪盛不能勝其任耳至於熱症尤爲十中八九緣
真陰爲熱邪久耗無以制亢陽而燎原不熄也以故
病溫之人邪退而陰氣猶存一綫者方可得生然冬